

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PELAKSANAAN SKIM HARGA MAKSIMUM MUSIM PERAYAAN TAHUN BARU CINA 2022 UNTUK MEMASTIKAN KESEJAHTERAAN KELUARGA MALAYSIA MENYAMBUT PERAYAAN

PUTRAJAYA, 26 Januari 2022 – Kementerian Perdagangan Dalam Negeri dan Hal Ehwal Pengguna (KPDNHEP) terus komited untuk memastikan Keluarga Malaysia dilindungi dan tidak terbeban dengan peningkatan kos sara hidup ketika ini.

2. Kementerian telah melaksanakan Skim Harga Maksimum Keluarga Malaysia (SHMKM) bermula 1 Januari 2022 dan sedang berkuatkuasa sehingga 4 Februari 2022. Sebanyak 12 jenis barangan yang telah ditentukan harga maksimum tersenarai di bawah skim ini seperti ayam, telur ayam dan sayur-sayuran.

3. Permintaan terhadap barangan tertentu dijangka akan meningkat semasa perayaan Tahun Baru Cina yang bakal disambut pada 1 Februari 2022.

4. Sebagai langkah menstabilkan harga barangan dan memastikan keberadaan bekalan di pasaran semasa musim Perayaan Tahun Baru Cina 2022, Kementerian akan melaksanakan **Skim Harga Maksimum Musim**

Perayaan (SHMMP) Tahun Baru Cina 2022 yang akan berkuatkuasa bermula 29 Januari sehingga 4 Februari 2022 iaitu tiga (3) hari sebelum perayaan, semasa hari perayaan dan tiga (3) hari selepas perayaan.

5. Sebanyak **enam (6) jenis barangan** harga terkawal akan dikuatkuasakan melibatkan barang keperluan harian dari kategori hasil laut, barangan kering dan daging babi.

6. Jumlah keseluruhan barangan harga terkawal bagi pelaksanaan SHMKM dan SHMTBC 2022 adalah sebanyak **18 jenis barangan** daripada kategori ayam, telur ayam, sayur, barangan kering dan daging babi.

7. Senarai barangan harga terkawal bagi SHMMP Tahun Baru Cina 2022 adalah seperti berikut:

- i. Ikan bawal putih (berat antara 200gram hingga 400gram seekor);
- ii. Udang putih (berat antara 41 ekor hingga 60 ekor sekilogram);
- iii. Bawang putih (China);
- iv. Babi hidup (Kawalan diperingkat ladang sahaja);
- v. Daging babi (perut);dan
- vi. Daging babi (daging dan lemak)

8. Senarai barangan harga terkawal bagi SHMKM yang sedang berlangsung adalah seperti berikut:

- i. Ayam hidup;
- ii. Ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya);
- iii. Ayam super (disembelih dan dibersihkan tanpa kaki, kepala, hati dan hempedal);
- iv. Telur ayam gred A (berat antara 65.0 gram hingga 69.9 gram sebiji);
- v. Telur ayam gred B (berat antara 60.0 gram hingga 64.9 gram sebiji);
- vi. Telur ayam gred C (berat antara 55.0 gram hingga 59.9 gram sebiji);
- vii. Kacang Panjang;
- viii. Cili merah;
- ix. Tomato;
- x. Sawi hijau;
- xi. Kobis Bulat Import (Indonesia dan China tidak termasuk Beijing);dan
- xii. Timun

9. KPDNHEP akan mengadakan kerjasama dengan Kementerian Pertanian dan Industri Makanan (MAFI) memastikan keberadaan bekalan di pasaran yang memudahkan Keluarga Malaysia mudah mendapatkan barangan keperluan harian pada musim perayaan.

10. Peniaga dan orang ramai boleh menyemak harga bagi barang-barang yang terlibat dibawah SHMMP Tahun Baru Cina di laman web Kementerian iaitu www.kpdnhep.gov.my.

11. **Pegawai Penguat Kuasa KPDNHEP akan sentiasa berada di lokasi-lokasi yang menjadi tumpuan orang ramai membeli-belah** seperti pasar awam, pasar tani dan pasaraya untuk menjalankan pemeriksaan dan pemantauan.

12. Adalah diingatkan bahawa **tindakan tegas akan diambil terhadap peniaga yang gagal mematuhi peraturan-peraturan di bawah skim ini.** Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 dan boleh dikenakan penalti seperti berikut:

(i) **Kesalahan menjual barangan harga terkawal melebihi harga maksimum:**

(a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan

(b) **Syarikat;** boleh didenda sehingga RM500,000 atau dikompaun sehingga RM250,000;

(ii) **kesalahan gagal meletakkan tanda harga berwarna merah jambu** bagi barangan harga terkawal:

(a) **individu;** boleh didenda oleh mahkamah sehingga RM10,000 atau dikompaun sehingga RM5,000; dan

(b) **syarikat**; boleh didenda sehingga RM20,000 atau dikompaun sehingga RM10,000.

13. Sekiranya pengguna mempunyai maklumat berkenaan salah laku peniaga berhubung perkara ini boleh melaporkan kepada pihak KPDNHEP melalui saluran berikut:

- i. WhatsApp 019-279 4317
- ii. Portal Aduan; e-aduan.kpdnhep.gov.my
- ii. Call Centre 1-800-886-800
- iii. Emel e-aduan@kpdnhep.gov.my
- iv. Ez ADU KPDNHEP
- v. Pusat Arahan Penguatkuasaan (ECC)
03-8882 6088/6245

YB Dato Sri Alexander Nanta Linggi
Menteri Perdagangan Dalam Negeri
dan Hal Ehwal Pengguna
PUTRAJAYA, **26 Januari 2022**